


250.193

贛縣志

張周垣
題簽



17884

贛縣志序

劉士彬署端



二十六年徵集之書

贛縣志

贛縣志序

重刊贛縣志序

孔紹堯

民國二十年赤匪遍毒江西六十餘縣以興國寧都瑞金爲總藪蔣總司令來贛勦匪有黨政委員會之設以利工作之進行劃贛縣寧都興國信豐南康爲第五區分會分會委員長兼領贛縣縣長當局過聽以堯謬膺是職八月杪到贛世交劉梓虔同學養疴居家先是梓虔同學十四年署贛縣知事設局修贛縣志推張鎮三同年爲總纂十五年梓虔調署安遠鎮三亦署信豐去堯以丁內艱在家因推暫代贛縣志書自崔修後迄今六十餘年中間所經

大事當以光復贛南及民十一年十三年十五年各役爲重而堯寔無役不與而未一成功此外未一問地方事然修志則素願也十五年秋丁酉風凜冽秋雨零落之際輒携傘至局改稿既尺有咫顧舊志忠孝節義事爲多於社會事宜及地方土性之事過略正擬磋商體裁刪繁就簡求適人文地理之用以軍事倥偬又忽停修堯亦膺全省第三次代表故買棹赴省十六年四二之變未爲共匪所獲問道浙東以至新京嗣任中央黨部黨史史料編纂委員會採訪專任江西訪輯迭函鎮三同年請其搜求贛南

史料以赤禍故前迹多已遺失計光復贛南以來忽忽二十年而無役不與者今僅鎮三仿魯及堯數人而已淚向內流之事不屑爲外人道惟頑皮與俗浮沈之概三人亦致大相同三十年前之少年今皆髮白齒搖昨壯也猶不如人今何能爲然搜輯及身史事以備國史之採擇則尙有秃筆在梓虔同學以曩年縣志未成迺集資將舊志續刊百部俾邦人知贛縣過去之光榮歷史述也等於作也內政部上月有飭各縣設文獻委員會之令正擬訪求先達發起籌備倘得行世路之馬卽可見諸事寔上可當陳

詩觀風之用下可作鄉土物志之傳堯與鎮三仿魯梓虔烏能辭發起之責耶

民國二十年十一月十五日書於贛縣區分會政通人之室

序

贛縣志始於康熙甲子舊序所載甚詳自同治九年經黃
邑令樸齋續修以後迄今蓋五十餘年矣其間因時事變
遷政體改革凡文化之進步制作之刷新風俗之異同戶
口之多寡區域之分劃物產之增加在在足供紀述以爲
徵文考獻之資民國十四年冬劉知事梓虔鑒於贛志有
續修之必要於是不辭勞瘁躬任主修廣延地方人士設
立修志局琪忝爲修纂之一份子當經同人集議規定體
例自同治十年起至民國十四年止依照舊志門類應改

革者若干應新增者若干凡同治間黃志所未載者概行
採入閱兩寒暑所得採訪之稿累積甚夥正在整理付刊
之際適奉省令停修縣志事遂中輟雖然縣志爲文獻所
關積久不修事必湮沒况舊志因兵燹之餘版已銷燬原
本所存無多若不設法保存將來文獻其何徵乎於是梓
虔縣長乃集資將舊志翻印百部以免散佚所有採訪新
稿彙訂成帙另行刊刻俾後之修志者有所據擇予謂是
舉雖新志未及蒞事寔於一邑之文獻不無小補云
民國十六年冬月贛縣修志局修纂羅毓琪鏡疇謹撰

續修贛縣志序

周官外史掌四方之志鄒康成謂若魯之春秋晉之乘楚之檇杙宋鄭氏謂卽齊語魯語宋志鄭志之類而劉氏彝謂卽九州列國四海百蠻世繫之所出分封之所由始朝貢之斷續政教之從違禮樂之更革俗尚之醜好若土均土訓誦訓之所職皆爲志以藏之以待王之顧問是固今州縣志之所自昉也攷今州縣卽古侯國而地之廣大過之或有數倍於古者贛地戰國時屬楚秦屬九江漢屬豫章吳屬廬陵晉至陳屬南康隋置虔州宋紹興間始名

贛縣明升爲府而贛之名縣自漢至於今不易縣之地雖宋太平興國中析七鄉於湫江鎮爲興國縣而廣輪猶幾二百里也地曠政煩素稱難治願自宋周濂溪夫子爲倅明王文成公開府於茲而楊誠齋所稱果而挾氣激而喜爭風俗亦幾變焉如前志所載禮樂文章忠孝節義之樹立彬彬乎鄒魯其闕矣溥同治己巳權篆是縣越明年庚午奉大府檄續修志書乃與信我齋蕭子韶二廣文暨邑諸紳士商聘我齋從叔警軒總其事而公舉邑之經明行修嫻於典故者開局於郡之文昌宮首遵江西通志

局採訪條規分鄉延訪廣爲蒐羅未幾而省局復頒示十志五十有四目於是分門而紀依例而書舊志所有時踵而增之其所無則詳爲抉擇補所未逮二廣文曰一至焉余政事之暇亦時一至焉參互考訂閱八月而稿始成又閱數月而劄劂氏工始竣蓋自分封朝貢政教禮俗與凡土均誦訓之所職條分縷析勒爲一書以俟省局採擇亦猶周官外史之遺意也而余竊有感焉自封建易爲郡縣井田學校由是俱廢然上之人修其教不易其俗齊其政不易其宜則九州四海猶此土地也猶此人民也安在三

代之治不復見於今日乎嘗卽贛邑驗之向之挾氣者今果於義矣向之喜爭者今激於節與名矣名儒之過化固具有轉移風化之權而一日之設施亦自有鼓舞羣動之意余承乏此土自愧疎於學而短於才不能整齊之潤澤之惟是卽古人遺法通變以宜其民奉

國家成憲謹守而與爲治庶幾寡過於萬一耳因志之成而以一言誌其略云

皆同治十年歲次辛未莫春月朔日

制科進士同知銜試用知縣署贛縣事 嶺南黃德溥撰

贛縣續修縣志序

贛郡轄九屬贛與興各居一焉贛縣雖稱首邑要其分職報最統屬於郡守則與興等其爲縣無以異志之修將毋同日否興國郡外邑也志所紀不過一縣之事縣以上毋容越縣爲附郭邑凡郡志中城池學宮書院武備職官之類不隸於縣者例得並載此其異焉者也然自道光乙酉先後同修以來文教之浸盛科目之日增英才烈士之輩出咸豐間粵逆倡禍延蔓江省瑞臨袁吉無完城二邑與吉毗鄰獨能合志同仇挫逆鋒而殲醜類使城鄉無恙

井邑不改攬勝者無榛荆瓦礫之感此又異中之同焉者也同而異異而同二邑之志如閉門造車然功咎向不互任同治庚午春予來攝興國篆適

上憲有纂修通志之檄飭各縣採訪事蹟以備采擇旋頒十志五十四門章程令修縣志以盡從詳從略之美第爲任旣鉅勝任自難延名宿慎去取勸樂輸督工役孜孜焉逾寒暑而始蒞事竊幸志之有成贛亦同時有斯役也爲大縣爲任愈重勝任愈難蓋可知矣庚午秋補授贛縣明年壬申抵任視事越數日局紳携稿來求審定予受而

閱之見其仍舊者凡幾改易者凡幾新增者凡幾悉循省
頡門目而其中與興志異者既考核而詳明與興志同者
亦簡潔而賅括雖節目稍有不合無不各合理之是閒商
一二以付梓人成有日矣紳等復請爲序以弁首予思贛
縣有志昉於康熙甲子迄今凡三續志內源流沿革山川
星野輿夫形勝名蹟之可憑建置產貢之可數文章武略
忠孝節義之可嘉者已盡括於儀徵汪觀察舊序中而此
次經營筆削早有前任黃君暨局中諸君任其勞序其義
何用予贅詞爲惟是予旣成興志復得與贛志之成參校

編摩藉悉邇年科目人物之盛是則予之厚幸也雖不敢
居以爲功亦庶乎免怠事之責而可藉以紓咎矣刻旣成
遂書以爲序同治十一年七月

賜同進士出身

賞戴藍翎運同銜陸用同知

特授贛縣知縣皖南崔國榜撰并書

續縣志總目

卷首

序文 圖 凡例 姓氏

卷一地理志

卷二地理志

星野

疆域

卷三地理志

卷四地理志

沿革(封建附)

山川(形勢附)

卷五地理志

卷六地理志

水利

津梁

卷七地理志

卷八地理志

古蹟

風俗

卷九地理志

卷十建置志

續縣志

卷首

目錄

物產

城池(街市附)

卷十一建置志

卷十二建置志

壇廟

公廨(試院附)

卷十三建置志

寺觀(育嬰堂養濟院漏澤園附)

卷十四食貨志

卷十五食貨志

戶口

田賦(額征蠲緩雜課附)

卷十六食貨志

卷十七食貨志

倉儲

漕運

卷十八食貨志

卷十九食貨志

驛驛

關樞

卷二十學校志

卷二十一學校志

學宮

卷二十二學校志

書院(社學附)

卷二十四武備志

武事

卷二十六職官志

武職

卷二十八選舉志

薦辟

卷三十選舉志

鄉舉

卷三十二人物志

學制(學額學田附)

卷二十三武備志

兵制

卷二十五職官志

文職

卷二十七職官志

名宦

卷二十九選舉志

進士

卷三十一選舉志

仕籍(雜途附)

卷三十三人物志

續縣志

卷首

目錄

二

名臣

卷三十四人物志

理學

卷三十六人物志

文苑

卷三十八人物志

孝友

卷四十人物志

隱逸

卷四十二人物志

列女

卷四十四藝文志

宦業(武勳附)

卷三十五人物志

儒林

卷三十七人物志

忠義

卷三十九人物志

善士

卷四十一人物志

方伎

卷四十三人物志

寓賢

卷四十五藝文志

經部

卷四十六藝文志

子部

卷四十八藝文志

別部

卷四十九之二藝文志

文徵(詩上)

卷四十九之四藝文志

文徵(文續編)

卷五十藝文志

金石

卷五十二雜類志

史部

卷四十七藝文志

集部

卷四十九之一藝文志

文徵(文)

卷四十九之三藝文志

文徵(詩下)

卷四十九之五藝文志

文徵(詩續編詩餘賦附)

卷五十一雜類志

仙釋

卷五十三雜類志

贛縣志

卷首

目錄

三

塋墓

卷五十四雜類志

軼事

跋

祥異

舊序

郡縣之有志也自封建廢而四方無赴告之書始也蓋前輩論之詳矣秦漢以來國史之重遷固而下各有成書皆合郡國紀載而寓春秋褒貶則史之與志相爲表裏昔人謂非具才學識不能知言哉贛爲古虔州地漢唐以前列在郡國至宋濂溪先生闡明聖學而後文章節義蟬聯鵠起遂爲江右名郡傳有郡志不知創自何代攷之故明一修於嘉靖之內申再修於天啓之庚申觀止矣而縣志則概乎未之有聞或云舊有宏治刻本亦不可考予承乏茲土而使缺典弗修非所云恪共乃職也遂折簡以招閩邑人士謀所以纂輯之並增補天啓以後本邑之事且東帛加爵敦請博古通今之士以董其成願念縣無底本乃取府志所載並訪之故老廣爲蒐羅勒成一冊付之剞劂庶幾山川人物城闕臺榭田賦車甲與夫戶口殷耗人才消長以及仙釋方伎之類瞭然如指諸掌誠長吏之責也若夫裁制得宜一字褒貶允合春秋之法則有諸賢之椽筆在且以俟後之君子肯康熙二十三年歲次甲子仲春月朔旦文林郎知贛縣事古燕北海劉瀚芳撰

舊序

國家聲教覃敷典章明備自一統志省志郡志而外縣各有書非特紀一邑之故實資一邑之考鏡亦將爲采風者上之

當寧也所關不綦重歟贛邑故巖疆介章貢二水之間遂名府治而縣治因之溯自秦漢以來爲郡爲州爲軍爲路規制沿革時代變遷所從來遠矣山川腴發形勢特雄前明王文成公秉鉞是邦建大功開來學流風餘韻被諸管絃以故人才振興後先相望益昌明濂溪周子之遺緒屹爲名都又地當百粵之衝商賈輻輳往來輻輳亦江西第一要津也官斯土者政治之得失人物之臧否風俗之美醜戶口之增減與夫農田財賦之陞除贏縮自應隨時纂輯勒爲成書以昭示千秋之法戒而聽其闕焉未備可乎考贛州舊有府志而縣志缺如康熙二十三年邑令劉瀚芳倡修始有邑乘迄今七十餘載未之續增觀者不能無憾今邑宰沈君慨然身任重加修輯聘信豐黃儀部秉椽筆一字褒貶同於衰鉞期年而全書告竣請序於余余披覽之下嘆度臺一邑之文獻畢萃於斯也旣嘉沈君

能於簿書期會之暇克收修廢舉墜之功又喜儀部之殫心芸局擇焉而精並爲舊志補闕遺正譌謬足以光昭鴻業而上貽册府之藏也用爲書其緣起弁諸簡首乾隆二十年歲次乙亥長至上浣之吉賜進士出身分巡江西吉南贛甯道今陞安徽等處提刑按察使司按察使會稽徐垣撰

舊序

歲乙亥余以

特旨補蒞贛郡下車匝月各邑志書紛呈卷帙頗繁惟定南志贛志爲最簡定南小邑建自前明中葉志乘雖簡記載近代事頗詳備贛以附郭人文最盛之區自康熙乙丑以迄於今志之闕而不修者七十二年邑宰沈君方延信豐黃儀部專司纂修與其邑之縉紳學士網羅而采輯之世遠事更考訂頗難余心竊喜以爲

聖天子修廢舉墜各上憲采風問俗沈君其助余相與有成也今歲五月兩陽應候公事少暇余方縱觀各邑之志山川形勝如指諸掌風土人情如接諸目而沈君亦適以贛志彙稿裝成送閱且請余爲序余曰是余夙心也贛之爲邑者九各志俱新而贛志亦新參觀近事於斯而備余守土者宜民善俗其知所取證乎披而覽之戶口益增田畝愈闢物產之利滋饒學校之新聿煥官師之鼓舞作興科第之聯翩蔚起文章事業孝行貞節之流芳大率踵事於前而增華於後蓋

贛縣志

卷首

序

三

聖世之深仁厚澤淪肌浹髓自康熙乙丑以迄於今載於贛志者如斯之日新月盛而歲不同也徵文考獻沈君之用力斯亦勤矣其康熙甲子而上概從舊志稍爲補闕正譌而規模條理相因弗改原以疆域如故氣候無殊無所容其增減也前巡憲會稽徐公序其緣起弁於簡首余似不煩於詞之贅願惟贛志旣成劖劂就緒與各邑志後先相望彤庭可採册府爲光信而有徵矣各上憲承宣德意馳檄下郡一切興革諸務定厥從違余得遍閱諸志以稍參末議惠此一方寧特宰斯邑者鑒前此得失之林盛衰之變而蹶然以興也哉乾隆二十一年歲次丙子孟冬月知贛州府事寧遠栢超撰

舊序

志猶史也邑之有志猶列國之史也或謂一統有志省有志郡有志所載皆各邑之事邑志似可不必有也不知一統志採於省志省志採於郡志而郡志必採於邑志然則邑志之修其可緩乎哉贛爲郡之首邑界連四省疆域易濬戶口難稽且舊志杳不可考康熙甲子歲前令北海劉君慨然修輯而文獻無徵惟紀其大概以成一邑之書然至今又七十餘年矣其閒山澤之變遷田園之開闢戶口之繁盛文章科目之振興賢良之輩出千絲萬縷纂輯更難若憚其難而委之後人吾恐後之視今又未必如今之視昔也然則邑志之修其可緩乎哉余自壬申承乏茲土吏書循例首呈邑志披覽之下卽留意重修復以公事獲晤兩廣文先生與夫紳衿耆庶必首舉以相商而衆論皆合遂擇吉於前年之秋設局纂修而兩廣文與紳士等咸董其事於是取舊志以爲底本康熙甲子以前者各款悉如舊志而自乙丑至今事蹟紛雜茫然莫措乃與諸君子旁搜博採或得諸名公之文集或得諸山林之著述或得諸故老之傳聞核訂確實務期無遺無濫然後錄入各

贛縣志

志

卷首

序

四

卷首自甲戌九月至丙子八月而志始成庶幾與舊志相爲表裏以俟他日省郡採擇云爾如謂綱舉目張條分縷晰妄稱一邑之信書以附古列國之史焉則吾豈敢是爲序哉乾隆二十一年丙子孟冬月知贛縣事沈均安撰

重修贛縣志序

古者自王朝及列國皆有史官以紀其言與事而山川道塗之廣狹郡國人民之增減紀綱風俗之上一一皆附見之後世郡邑各有志雖屬一方之書而扶世教正人心凜凜乎國史之成規而傳之可久非苟焉而已也虔州握閩楚之樞紐扼百粵之咽喉唐以前率以荒服視之及周濂溪以理學倡導趙清獻王文成諸鉅公歷經撫馭固已化其悍獷桀黠之氣而漸卽於醇良至

國朝厚澤深仁涵濡百年之久九邑風化尤蒸蒸日上矣而民物滋豐人文蔚起要以附郭首邑爲翹楚子自癸未歲恭膺

簡命來守是邦下車後卽緝閩郡邑志冀悉其風土人情酌因革損益之宜籌興利除害之方且可考前哲良規而作之師也適潘方伯徵志之檄日至因諭各屬修邑志以備通志採擇贛令王維屏延教授周步驥主纂修事復集邑之紳士諸人分類編次閱期年而稿始成遂開序於予予攷贛邑舊志脩於乾隆二十一年距今七十餘載續而纂之其間

贛縣志

卷首

序

五

田土之闢戶口之增科名之盛及察家之遺愛先達之樹立未嘗少遜於前且有繼長而增高者余復何言哉惟以邑志之慎取舍昭法戒與官斯土生斯土者轉相勸勉而已夫爲政必察其風謠相其土宜周覽其山川經理其疆域攷正其貢賦然後可因地以成化况清獻高風文成懋績列代名宦之循聲惠政偶一披覽如在目前誠取而效法之化裁通變時措咸宜其必得所津逮以大有造於贛可知也若其生於斯者以先達爲準繩尙理學則如曾文清陳廷輔劉孔昭黃洛村其人焉而良知困知之淵源不流於異學矣建勳業則如鍾越國公劉宗弼謝鳳渚劉鼎梅其人焉而經濟輔弼之宏猷不荒於雜霸矣敦品行則如陽玉巖鍾子棐劉希泌曾堅伯其人焉而砥節勵行之實脩不奪於外誘矣習文章則如鄧德明綦母潛士漢謀士鶴田其人焉而黼黻藻繪之鴻文不玷於札蕩矣誠如此之考獻徵文也君子於是乎思古於是乎徵今於是乎開來扶世教正人心則志之激勵而引掖之者不凜凜乎國史之成而傳之獨可久哉特書此以爲官斯土者勗并以爲贛邑人士勗 知贛州府事李光先撰